



Norddal kommune

Postboks 144

6211 VALLDAL

Fellingsløyve på skadegjerande jerv vest for fylkesveg 63 i kommunane Norddal og Stranda - forlenging av verketid

Fylkesmannen viser til søknad av 31. august 2017 frå Norddal kommune. Det er søkt om lenging av skadefellingsløyvet på jerv som blei gjeve 25.07.2017 og forlenga til 31.08.2017 i Fylkesmannen sitt vedtak av 09.08.2017.

Med heimel i naturmangfaldlova § 18 første ledd bokstav b) og § 77, jf. forskrift om forvaltning av rovvilt § 9, jf. §§ 1 og 13, gir Fylkesmannen i Møre og Romsdal Norddal kommune løyve til å halde fram med fellingsforsøk på skadegjerande jerv i området på halvøya vest for fylkesveg 63 i Norddal og Stranda kommunar.

Løyvet er forlenga for tidsperioden frå og med 01.09.2017 til og med 09.09.2017. Fylkesmannen har lagt særleg vekt på å hindre vidare skade på sau i beiteprioriterte område. Nærare vilkår følgjer av dette brevet.

Søknaden er fremma på bakgrunn av siste tids jerveskade på sau. Kommunen ser på jervesituasjonen som alvorleg, og ynskjer at fellingsområdet vert utvida til å omfatte areal i Gråsteindalen i Stranda kommune.

11 sauer og lam i Gråsteindalen er sidan 9. august undersøkt av SNO, der dødsårsaka er påvist skulda jerv (kjelde: Rovbase). Det er ikkje meldt om nye kadaverfunn til myndigheitene i beiteområda på halvøya vest for fylkesveg 63.

Rovviltnemnda i region 6 Midt-Norge vedtok 23. august 2017 tilleggskvote på 2 betinga skadefellingsløyve på jerv for perioden 23. august 2017 til 15. februar 2018. Ein jerv er felt av kvoten.

På bakgrunn av nye kadaverfunn i nærliggande beiteområde i aust (Gråsteindalen), som er verifisert av Statens naturoppsyn, forlengar Fylkesmannen verketida til skadefellingsløyvet til og med 09.09.2017.

Fellingsområdet blir ikkje utvida til å omfatte Gråsteindalen. Dette området ligg innanfor jerveprioritert område, der ein skal prioritere å setje inn førebyggjande tiltak. Tidleg

nedsanking er eit verkemiddel som er effektivt for å hindre vidare skade. Det er iverksett sanking av all sau i beiteområdet. Vilkår for å opne for skadefelling av jerv i dette området er ikkje til stades, jf. rovviltforskrifta § 9.

Vedtak

Ut frå vårt brev av 25.07.2017 jf. 09.08.2017, og med heimel i naturmangfaldlova § 18 første ledd b) og § 77; jf. §§ 1, 3, 9 og 13 i rovviltforskrifta av 18.03.2005, samt vedtak fatta av Rovviltnemnda for region 6 den 23. august 2017, gir Fylkesmannen Norddal kommune fellingsløyve på ein (1) skadegjerande jerv.

Følgjande vilkår er knytt til iverksetjing av fellingsløyvet:

1. Fellingsløyvet gjeld frå 01.09.2017 til og med 09.09.2017.
2. Løyve til felling gjeld på halvøya vest for fylkesveg 63 i kommunane Norddal og Stranda
3. Fellingsløyvet vert gitt til Norddal kommune. Bjørn Helge Rønneberg er ansvarleg for fellingsforsøket (fellingsleiar).
4. Fellingsleiar er ansvarleg for at alle som tek del i fellingsforsøket er kjent med vilkåra i dette vedtaket. Deltakarane i fellingslaget går fram av vedlegg til dette vedtaket.
5. Fellingsleiar og deltakarane i fellingslaget løyvet skal ha avlagt skyteprøve for bruk av rifle til storviltjakt i 2017. Dei skal òg vere registrerte som lisensjegerar, jf. Forskrift om utøving av jakt, felling og fangst, av 22. mars 2002, §§ 13 og 14.
6. Det skal berre nyttast våpen og ammunisjon som tilfredsstillar krava til jakt på jerv, jf. Forskrift av 22. mars 2002 om utøving av jakt, felling og fangst.
7. Felling eller forsøk på felling skal umiddelbart meldast til Fylkesmannen på mobilnr. 909 26 016 og til Statens naturoppsyn.
8. Dersom jerv vert skadeskoten, pliktar dei ansvarlege å gjere det dei kan for å avlive dyret snarast mogeleg. Skyttar pliktar å forvise seg om påskote dyr er treft eller ikkje. Ved skadeskyting skal skyttar utan opphald underrette Fylkesmannen og næraste politimynde (tlf: 02800). Fylkesmannen avgjer vidare gjennomføring og avslutting av ettersøk. Dei som har deltatt i fellingsforsøket skal utan godtgjering hjelpe forvaltningsmynde eller politimynde i det vidare ettersøket.
9. Jerv felt i medhald av dette løyvet er viltfondet sin eigedom. Etter § 16 i Forskrift om forvaltning av rovvilt, skal jeger vise fram felt dyr for SNO for kontroll og prøvetaking så snart som råd etter felling. Jeger skal kunne påvise fellingsstad dersom SNO, politi eller fylkesmannen ber om det.
10. Felling og forsøk på felling etter dette løyvet kan gjennomførast uavhengig av grunneigar sin jaktrett, jf. viltlova § 35.

Klage

Dette vedtaket kan påklagast innan 3 veker etter at melding om vedtaket er motteke eller gjort tilgjengeleg i Miljøvedtaksregisteret; jf. forvaltningslova kap. IV, §§ 28 og 29. Ei eventuell klage bør grunngjevast og skal stilast til Miljødirektoratet, Postboks 5672 Sluppen, 7485 Trondheim, men sendast til Fylkesmannen i Møre og Romsdal, Postboks 2520, 6404 Molde.

Alle vedtak som gjeld felling av freda rovvilt blir gjort tilgjengeleg på www.miljovedtak.no. Ein kvar kan fortløpande følgje med på vedtak som gjeld felling av freda rovvilt, ved å abonnere på vedtaka (epostvarsling).

Med helsing

Ola Betten (e.f.)
fagansvarleg

Astrid Buset

Dokumentet er elektronisk godkjent og har ingen signatur.

Vedlegg: Liste over fellingslaget

Kopi:

Mattilsynet	Postboks 383	2381	Brumunddal
Lensmannen i Stranda og Norddal	Postboks 70	6239	SYKKYLVEN
Stranda kommune	Øyna 13	6200	STRANDA
Bjørn Helge Rønneberg		6215	EIDSDAL
Miljødirektoratet	Postboks 5672 Sluppen	7485	TRONDHEIM
Rovviltnemnda i region 6	v/ Fylkesmannen i	7734	STEINKJER
	Nord-Trøndelag,		
	Postboks 2600		

Vedlegg

Fellingslag:

Bjørn Helge Rønneberg (fellingsleiar)	6215	Eidsdal
Frode Rønneberg	6215	Eidsdal
Asbjørn Aarset	6215	Eidsdal
Svein Ove Bjørge	6215	Eidsdal
Torkjell Rønneberg	6215	Eidsdal
Georg Indreeide	6215	Eidsdal
Roy Meek	6214	Norddal
Arild Eide	6215	Eidsdal
Jan Kåre Eide	6214	Norddal
Frank Orheim	6200	Stranda
Knut Grønningsæter	6214	Norddal
Aslak Klempe	6214	Norddal
Øystein Sørdal	6260	Skodje
Martin Steinarsson Holmeset	6260	Skodje
Finn Tommy Eide	6215	Eidsdal
Vegard Homlong	6215	Eidsdal
Kristian Indreeide	6215	Eidsdal
Jon Erlend Vinje	6216	Geiranger
Robert Bergerud		Stavanger
Lars Ivar Ytterdal	6215	Eidsdal